



Bentiarq Ottosen
Inatsisartunut ilaasortaq
inatsisartut@ina.ala.gl

**Royal Arctic Line A/S-ip attartornermut isumaqatigiissutai pillugit § 37
naapertorlugu apeqquaqateqarmut 2026-027-mut akissut**

Dato: 26-02-2026
Sagsnr.: 2026 - 3746
ID. nr.: 80159866

Asasara Bentiarq,

Inatsisartut suleriaasianni § 37 naapertorlugu Royal Arctic Line A/S-ip attartornermut isumaqatigiissutai pillugit Naalakkersuisunut apeqquaqateqarputit. Apeqquutit uannit akineqartussatut innersuunneqarput. Apeqquutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquut A: Naalakkersuisut paasissutissiisinnaappat Royal Arctic Line A/S
umiarsuarnik attartortarnertik pillugu?**

Akissut: Royal Arctic Line A/S attartornermut isumaqatigiissutinik atuisarpoq. Umiarsuaatileqatigiiffinnit allanit umiarsuit Royal Arctic Line A/S-imit attartorneqarsinnaapput, kiisalu Royal Arctic Line A/S-ip umiarsuaatai umiarsuaatileqatigiiffinnit allanit attartorneqarsinnaapput.

**Apeqquut A1: Qanoq amerlatigisut umiarsuit Royal Arctic Line A/S 2024-mi
attartornikuuai aammalu ukiuni tallimani kingullerni?**

Akissut: Apeqquutit Royal Arctic Line A/S-imut saqqummiunneqarpoq, tassanngaanniillu imaattumik ilisimatitsisoqarpoq:

"Isumaqatigiissutit piffissami sivilisunerusumi atuuttut:

Royal Arctic Line (RAL) angallavimmi Reykjavik–Nuuk–Reykjavik-imi sullissineq pillugu Vessel Sharing Agreement-imut (VSA) ilaavoq. Suleqatigiinnermi umiarsuaq ataaseq RAL-imiit aamma Eimskip-imiit umiarsuit marluk atorneqarput, akuersissuteqarnerup kingunerisaanik RAL-ip angallavimmi Island-Grønland-Island usisinnaassuseq tamakkiisoq atorsinnaavaa, taamaattumillu teknikkimut tunngassuteqartut eqqarsaatigalugit Eimskip-ip umiarsuaatai marluk RAL-imit attartorneqarput. Isumaqatigiissut ukiut tallimat missaanni atuuppoq. Taassuma saniatigut Silver Mary-p (siornatigut Mary Arctica) ukiumut minnerpaamik ulluni 180-ini attartorneqarnissaa pillugu isumaqatigiissuteqartoqarpoq.

Umiarsuaq 2023-mili attartorneqartalerpoq. Tassalu RAL umiarsuarnik pingasunik piffissami sivilisuumi isumaqatigiissuteqarfiusunik attartugaqarpoq.

*Isumaqatigiissutit piffissami sivikinnerusumi atuuttut:
RAL-ip 2023-mi umiarsuaq Jonni Ritscher Tukuma Arctica-p
amutsivimmiinnerani taartitut attartorpaa.
2025-mi umiarsuaq Silver Arctica Maniitsumi umiarsualiviup
iluarsartuunneqarneranut atatillugu attartorneqarpoq.
RAL piffissami 2022-2025-mi umiarsuarnik marlunnik piffissami
sivikinnerusumi attartornissamut isumaqatigiissuteqarluni attartorpoq."*

**Apeqquut A2: Attartornerit naatsumik imaluunniit sivirusumik
isumaqatigiissutaasarpat?**

Akissut: Apeqquut A1-imut akissut takuuk.

**Apeqquut B: Qanoq annertutigisimappat aningaasartuutit umiarsuarnik
attartornermut tunngasut Royal Arctic Line A/S-imut?**

Akissut: Apeqquut B1-imut aamma B2-mut akissutit takukkit.

Apeqquut B1: 2024-mi?

Akissut: Apeqquutit Royal Arctic Line A/S-imut saqqummiunneqarpoq, tassanngaanniillu
imaattumik ilisimatitsisoqarpoq:

*" 2024-mi RAL-ip isumaqatigiissutitut matuma siuliani taaneqartunut
aningaasartuutai DKK 40 mio. koruuniupput."*

Apeqquut B2: Aggvaqatigiissillugu ukiumut, ukiuni tallimani?

Akissut: Apeqquutit Royal Arctic Line A/S-imut saqqummiunneqarpoq, tassanngaanniillu
imaattumik ilisimatitsisoqarpoq:

*"Piffissamut 2021-2025-mut aggvaqatigiissinneqartut DKK 33 mio.
koruuniupput.*

*Tassunga assersuutitut piffissami tassani Malik Arctica-mut
(useqanngitsumut) ukiumut aningaasartuutaasimasut DKK 36 mio.
koruunit aamma DKK 39 mio. koruunit akornanni
amerlassuseqarsimapput."*


**Apeqquut C: Umiarsuarnik attartorneq Royal Arctic Line A/S-ip aningaasartuutaani
ukiumut procentinngorlugu ingerlatsinermut qanoq annertutigippat?**

Akissut: Apeqquutit Royal Arctic Line A/S-imut saqqummiunneqarpoq, tassanngaanniillu
imaattumik ilisimatitsisoqarpoq:

*"Piffissami 2021-2025-mi RAL-ip aningaasartuutai tamarmiusut DKK 1.175
mio.koruuninik amerlassuseqarput. Tassalu piffissakkaartumik
attartornernut aningaasartuutit aggvaqatigiissillugit 2,8%-iusimapput."*

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

A handwritten signature in blue ink, consisting of several loops and strokes, positioned over the printed name.

Aqqaluaq B. Egede